

Ess muss noch vill erfunne werrn

Deletzd omm Stommdisch hott de Schorsch uff oomol gefroochd: Wissderr, was die greeßt Erfindung in de letzde John iss?

De Karl moont: Dess iss bestimmt dess Ding, wo die junge Leit unn nitt nor die allsfort drufferum klebbern. Doo hawwe doch vor e paar Daach unne uff de Terrass vumm Herrsch Sticker acht Mädcher unn Buwe onnem große Disch gesetze unn hawwe allminonner uff ihm Handy ...

Dess heeßt heit Smartfon, hodden de Schorsch unnerbroche.

Doo babbeld de Karl weider: ... also uff ihm Smartfon erumgespilld unn monschmol hawwe se all sesomme uff e Bild uff emm onnern Smartding geguggd unn hawwe all gelacht. Awwer moonderr, die hädde oo Wort mettenonner gebabbeld? Isch glaab, die schreiwie sich liewer als dasse babbele dun. Egal wie dess iss, isch glaab, dess iss die greeßt Erfindung in de letzde John.

Unn du, Honnes, was moonsden du?, hott mich de Schorsch gefroochd.

Isch saach: Die greeßt Erfindung, denk isch, dess sinn die Drohne, also die Dinger, ob groß odder kloo, die in de Luft erumfliehe dun unn meddere oigebaute Kamera all dess vunn owwe fotografiern, wo merr sunnst nitt hiekimmt meddem Hubschrauber unn su, gons abgeseh doodefoo, dass de Hubschrauber in de Stunn mieh kossde dut als su e Drohn. Unn donn kann merr doodemett gons schee spioniern, weil merr die Bilder gleichzeitisch uff su e Smartfon odder enn Kombjuder schicke kann. Unn wem die Spionierei nitt gefällt unn der dut die groß Drohn abschieße, donn sinn koo Mensche droi. Awwer Schorsch, saach du emol, was die greeßt Erfindung in de letzde John iss.

De Schorsch hott gegrinst. Ihr werrds nitt glaawe, awwer isch moon, die greeßt Erfindung iss de Rond owwe onn de Wasserflasche, weil merr die jetz gut omm Flaschehals greife unn traache kann.

De Karl unn isch, mir hawwe geniggd unn gesaad, dass dess werklisch e groß Erfindung iss, weil doodemett iss vill Leit geholfe.

Doo seet de Schorsch: Ess muss awwer noch vill erfunne werrn unn isch bin droo, jetz bald oo ze mache. Weil jetz um die Zeit, wennde derr e Glas Äbbelwoi oigeschenkd host, sinn im Nu su kloone Migge droi, unn isch moon ess deet Zeit werrn mol ebbes ze erfinne, dass merr dess Viehzeisch defoo abhalle kann. Ihr kennt doch sicher aach die Sach, kaum hosde oigeschenkd, schwimmt su e Migg schunn im Glas erum.

Dess wär werklisch e groß Erfindung, moont de Karl, awwer dess werdd nitt su leicht soi, weil doo host nitt nor du dir Gedonke gemacht. Awwer bis dess eraus iss mach ischs wie immer, isch leesch merr enn Bierdeckel odder e Dellersche uffs Glas unn doo kumme die Biester nitt enoi.

Isch machs wie du, Karl, saach isch, isch leesch aach ebbes uffs Glas. Awwer saacht emol, was machden ihr, wenn doch su e kloo Miggsche ins Glas kimmt? Isch numm e Leffelsche, fisch die Migg eraus unn drink weider.

Seet de Karl: Dess kann isch nitt, isch due donn dess gonse Glas ausschidde, egal wifell Äbbelwoi noch droi iss. Awwer du Schorsch, was mächsden du, bis doi Erfindung ferrdisch iss?

De Schorsch hott gegrinst. Bis doohie gugg isch merr die Migg im Glas oo, saach dess hosde jetz vunn doine Neigier, unn numm enn Schluck unn fort isse.

Eiern Honnes